



PCN ta selebrá apertura festivo di The Hill Compound na Sint Eustatius

E apertura festivo di The Hill Compound a marka resientemente e realisashon di un restorashon ámplio di e monumento aki na Statia na enkargo di Stichting Pensioenfonds Caribisch Nederland (PCN). E seremonia a trese e stakeholdernan mas importante, dignitario - i miembronan di komunidad huntu pa selebrá e revitalisashon di e sitio históriko aki.

Diskursonan di miembro di PCN Roy Hooker, Bharat Bhojwani (Direktor general di PMCN) i Michael Newton (Eksperto di Monumento, Newton Heritage Consulting) a reflehá riba e biahe kompleto i e impakto positivo. Inspektor di patrimonio, Raime Richardson a enfatisá e esensia di preservashon di patrimonio y koperashon pa hasi kambionan sostenibel y duradero na e paisahe di Statia. E digno gezaghebber, Lady Alida Francis, a klousurá e diskursonan enfatisando riba e importansia kultural, sosial i ekonómiko di e proyekto pa Sint Eustatius. E kòrtamentu seremonial di sinta a marka oficialmente komienso di un era nobo pa e edifisio monumental aki.

A restorá The Hill Compound, antes konosí komo Mr. Lampe's House i un parti importante di e patrimonio di e isla, kuidadosamente den e estilo arkitektóniko original i a komberti' é den un kompleho pa uso miksto, ku tres unidat residencial i tres espasio komersial. A finalisá e restorashon bou di guia di Newton Heritage Consulting i LICCOM Statia B.V. a hasi e trabounan di konstrukshon, ku sosten di e supervisor lokal De Jong Construction N.V. Participatiemaatschappij Caribisch Nederland (PMCN), un subsidiaria kompleto di PCN ta atministrá e invershon.

Gezaghebber Francis a ekspresá su apresio pa e kontribushonnan di e proyekto, bisando ku “preservá y restaurá e edifisionan na Statia ta importante, ya ku nan ta e refleho di nos historia, nan ta yuda nos komprondé y respetá e habitantenan di Statia ku a biba den diferente era, ku diferente kustumbenan y tradishonnan. Ku e selebrashon di awe, nos ta korda dikon Statia ta wordu jamá e joya históriko di Karibe”.

Miembro di direktiva di PCN Roy Hooker a enfatisá e importansia di e proyekto pa komunidad. “E proyekto aki ta un prueba di PCN su dedikashon pa konservá patrimonio i na mésun momento stimulá desaroyo ekonómiko i sosial,” señor Hooker a bisa. “Personalmente mi ta hopi orguyoso ku The Hill Compound ta bai hunga un ròl sentral i funshonal atrobe den Oranjestad i ku PCN ta bai usa un di e unidatnan komersial.”



A kontratá Mrs. Marie Rigobert, di Statia, komo Atministradó di Propiedat pa pèkurá ku e kompleho ta bira un nukleo bibu pa habitante- . empresa- i bishitantenan den un ambiente servisial i bon organisá. Aktualmente tin ainda dos unidat komersial – un pakus i un restorant – disponibel pa hür, loke ta brinda posibilidat úniko pa empresarionan lokal. Pa mas informashon tokante hürmentu por tuma kontakto ku PMCN (info@thehillcompound.com).

Meskla di invershon

PCN ta desidido pa keda lokal, banda di su invershonnan riba merkadonan finansiero internashonal, invertí riba islanan BES.



Roy Hooker

